

Info Sukan

PERLIS RAMPAS PIALA AGONG 2010

Stadium Utama Kangar, Perlis bergema dengan jeritan dan sorakan dari peminat bola sepak yang telah menyaksikan Perlis menundukkan Johor, johan Piala Agong pada tahun lalu dengan jaringan 4-0.



Pada separuh masa pertama permainan nampak seimbang dengan kedua-dua pasukan saling memberi asakan untuk mencari gol pertama tetapi keputusan masih lagi 0-0 sehingga tamat perlawanan.

Separuh masa kedua pula telah menyaksikan Perlis menggandakan asakan dan membuahkan hasil apabila memperolehi 4 gol berbalas 0 yang mana telah dijaringkan oleh

Wan Khairul Faiz bin Kamaruddin sebanyak 2 gol dan masing-masing 1 gol oleh Mohd Ikmal Faiz bin Azmi dan Romdhizat bin Jamian. Perlis yang diwakili oleh pasukan bola sepak UniMAP merupakan Juara Piala Emas Raja-Raja 2010.

Pasukan di bawah skuad bimbingan Suhairi Abd Karim telah berjaya mencapai sasaran yang diletakkan oleh pasukan dan universiti. Semangat berpasukan yang ditunjukkan oleh pasukan ini di samping sokongan jitu dari para penyokong telah membuahkan hasil yang amat membanggakan. Syabas dan tahniah diucapkan kepada pasukan bola sepak Perlis (UniMAP).

